



Broj: 16-12-16-2949-⁹ /26
I. Sarajevo, 25.05, 2026. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 25. stav (1) tač. f) i g) i člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14, 59/22 i 50/24), člana 7. stav (5) Pravilnika o uslovima i načinu korištenja e-aukcije („Službeni glasnik BiH“, broj 80/23), Izvještaja o toku i završetku e-aukcije od 22.05.2026. godine, na preporuku Komisije za nabavke za potrebe Državne agencije za istrage i zaštitu u 2026. godini broj 16-12-16-2949/26 od 25.05.2026. godine, u postupku javne nabavke rezervnih auto dijelova za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u postupku javne nabavke rezervnih auto dijelova
za potrebe Državne agencije za istrage i zaštitu

Član 1.

U postupku javne nabavke rezervnih auto dijelova za potrebe Državne agencije za istrage i zaštitu (daljem tekstu: Agencija), putem otvorenog postupka za dostavljanje ponuda, korištenjem e-aukcije, na preporuku Komisije za nabavke za potrebe Agencije u 2026. godini (daljem tekstu: Komisija) broj 16-12-16-2949/26 od 25.05.2026. godine, okvirni sporazum na period od tri godine, dodjeljuje se ponuđaču „AUTOELEKTRA“ d.o.o. Sarajevo, ponuda broj 16-12-16-2949-6/26 od 12.05.2026. godine, za ponuđenu cijenu u iznosu od 66.991,99 KM bez uračunatog PDV-a, umanjenu za 26,37 % nakon rezultata e-aukcije.

Član 2.

(1) Ponuđač „AUTOELEKTRA“ d.o.o. Sarajevo obavezan je Agenciji dostaviti dokaze o ispunjavanju uslova iz tač. 11.1. i 12.2. Tenderske dokumentacije.

(2) Dokaze iz stava (1) ovog člana (orginal ili ovjerena fotokopija) ponuđač je obavezan dostaviti Agenciji u roku od pet dana od dana prijema ove odluke.

Član 3.

Ova odluka se dostavlja ponuđačima najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 4.

Za izvršenje ove odluke zadužuje se Sektor za materijalno-finansijske poslove Agencije.

Član 5.

Ova odluka stupa na snagu danom donošenja.

O b r a z l o ž e n j e

Odlukom broj 16-12-16-2949-1/26 od 08.04.2026. godine pokrenut je postupak javne nabavke rezervnih auto dijelova za potrebe Agencije, procijenjene vrijednosti 100.000,00 KM bez uračunatog PDV-a, za koji je obavještenje o javnoj nabavci broj 1161-1-1-1-109-3-43/26 objavljeno na Portalu javnih nabavki 17.04.2026. godine i u „Službenom glasniku BiH“, broj 29/26 od 24.04.2026. godine. Novčana sredstva za realizaciju navedene nabavke obezbijedena su u okviru budžetskih sredstava za 2026. godinu, a na osnovu Instrukcije o privremenom finansiranju institucija Bosne i Hercegovine za period april-juni 2026. godine broj 05-02-2-2061-1/26 od 26.03.2026. godine i Dokument okvirnog budžeta 2026. - 2028. godinu. Za navedeni postupak javne nabavke predviđena je e-aukcija u skladu sa Pravilnikom o uslovima i načinu korištenja e-aukcije („Službeni glasnik BiH“, broj 80/23) (u daljem tekstu: Pravilnik).

Obzirom da je tačkom 22. Tenderske dokumentacije navedeno da je rok za dostavljanje ponuda 12.05.2026. godine do 12:00 sati, te da se ponude dostavljaju u zatvorenoj koverti, Komisija je dana 12.05.2026. godine u 13:00 sati izvršila javno otvaranje ponuda prema datumu i vremenu prijema, numerišući kovertu.

Blagovremeno su dostavljene ukupno tri ponude i to:

R/B	Naziv/ime ponuđača	Ponuđena cijena bez uračunatog PDV-a u KM
1.	„KARE“ d.o.o Sarajevo	74.133,30
2.	„AUTOELEKTRA“ d.o.o. Sarajevo	90.990,00
3.	„DRR AUTO“ d.o.o. Kiseljak	66.992,00

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, br. 39/14, 59/22 i 50/24) (u daljem tekstu: Zakon), sačinila Zapisnik o otvaranju ponuda, koji je u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Tenderskoj dokumentaciji.

Komisija je utvrdila da su ponude ponuđača „KARE“ d.o.o. Sarajevo, „AUTOELEKTRA“ d.o.o. Sarajevo i „DRR AUTO“ d.o.o. Kiseljak prihvatljive odnosno da ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti i tehničke i profesionalne sposobnosti, kao i formalno-pravne uslove iz Tenderske dokumentacije.

Imajući u vidu da je Tenderskom dokumentacijom za postupak javne nabavke rezervnih auto dijelova za potrebe Agencije predviđeno provođenje e-aukcije u skladu sa Pravilnikom, da su dostavljene tri ponude koje ispunjavaju kvalifikacione uslove, Komisija je zakazala e-aukciju za dan 22.05.2026. godine (petak) sa početkom u 12:00 h, u trajanju od 20 minuta, na kojoj će učestvovati slijedeći ponuđači i to:

- a) „KARE“ d.o.o. Sarajevo, za ponuđenu cijenu u iznosu od 74.133,30 KM bez uračunatog PDV-a;
- b) „AUTOELEKTRA“ d.o.o. Sarajevo, za ponuđenu cijenu u iznosu od 90.990,00 KM bez uračunatog PDV-a;
- c) „DRR AUTO“ d.o.o. Kiseljak, za ponuđenu cijenu u iznosu od 66.992,00 KM bez uračunatog PDV-a.

Prema Izvještaju o toku i završetku e-aukcije od 22.05.2026. godine, Komisija je sačinila konačnu rang listu ponuđača koji su učestvovali u postupku e-aukcije, kako slijedi:

R/B	Naziv ponuđača	Konačna cijena u KM bez uračunatog PDV-a	Umanjenje cijene	Rang
1.	„AUTOELEKTRA“ d.o.o. Sarajevo	66.991,99	26,37 %	1
2.	„DRR AUTO“ d.o.o. Kiseljak	66.992,00	0 %	2
3.	„KARE“ d.o.o Sarajevo	74.133,30	0 %	3

Shodno Izvještaju o toku i završetku e-aukcije od 22.05.2026. godine, Komisija je utvrdila da je bilo snižavanje cijena ponude od strane ponuđača „AUTOELEKTRA“ d.o.o. Sarajevo kao kriterij za dodijelu okvirnog sporazuma u skladu sa članom 10. Pravilnika.

Nakon provedenog postupka ocijenjivanja dostavljenih ponuda, Komisija je utvrdila da je ponuda ponuđača „AUTOELEKTRA“ d.o.o. Sarajevo ocijenjena kao najpovoljnija ponuda u postupku javne nabavke rezervnih auto dijelova za potrebe Agencije, te da ista ne premašuje procijenjenu vrijednost javne nabavke.

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se u postupku javne nabavke rezervnih auto dijelova za potrebe Agencije, okvirni sporazum na period od tri godine, dodijeli ponuđaču „AUTOELEKTRA“ d.o.o. Sarajevo kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 3x;
- Sektoru za mat.-fin. poslove;
- a/a.

DIREKTOR
GLAVNI GENERALNI INSPEKTOR POLICIJE

Darko Ćulum